

禮

記

鄭

讀

考

禮記鄭讀考

俞樓稌纂第六

德清俞樾

段氏玉裁作周禮漢讀考於注中讀爲讀若之義辨之詳矣然鄭康成注禮記亦有讀爲讀若之例湖樓無事偶一疏證以存鄭學

拾級聚足注拾當爲涉聲之誤也

曲禮

按襄二十七年穀梁傳與之涉公事矣疏引徐邈曰涉猶厯也涉級猶厯級謂前足厯一級後足必從而與之併也拾與涉聲固相近而義亦有可通儀禮大射儀拾發旣夕篇拾踊禮記投壺篇請拾投鄭注並曰拾更也更卽有厯義詩大東篇鄭箋謂更其肆也

釋文曰更厯也漢書鮑宣傳經皆更博士師古注曰更亦厯也又蕭望之傳所用皆更治民以考功師古注曰更猶經厯也拾訓更則亦得訓厯拾級涉級兩俱得通鄭必讀涉者欲其易曉耳

以箕自向而扱之注扱讀曰吸謂收糞時也

按段氏玉裁經韵樓集有某讀爲某誤易說謂先用注說改經文嗣又用已改之經文改注舉菹讀爲鉏蠲讀爲域數條證之愚謂此文扱讀曰吸亦誤易也按說文扱收也吸內息也二字之義不同此經本作以箕自向而吸之鄭君以爲噓吸之義非所施於此

必是扱之段字扱者收也故注曰吸讀曰扱謂收糞時也文義甚明乃後人用鄭注改經文爲扱之因又改注文爲扱讀曰吸此正藉讀爲鉏蠲讀爲域之比矣孔穎達作正義時所據已是誤本故爲之說曰必讀扱爲吸者以其穢物少吸然則盡不得爲一扱再扱故讀從吸斯真曲說矣

急繕其怒注繕讀曰勁

按繕讀曰勁蓋聲之轉也周禮序官繕人鄭注亦曰繕之言勁也繕字古音在元寒部勁字古音在耕清部兩音雖不相近然考工記梓人注鄭司農云脰讀

爲髡頭無髮之髡劉昌宗周禮音云髡音苦顏反髡
從至聲得音苦顏反讀爲髡此卽二部相通之證矣
孟子宋牼荀子作宋鉏襄十七年左氏春秋邾子貜
公穀作矰並其例也

日而行事則必踐之注踐讀曰善聲之誤也

按詩東門之墠篇有踐家室韓詩作有靖家室堯典
靜言庸違漢書王遵傳引作靖言史記作善言是踐
與靖靖與善皆一聲之轉故得相通

君命召雖賤人大夫士必自御之注御當爲訝訝迎也
按詩鵲巢篇百兩御之釋文本亦作訝又作迓穀梁

成二年使跛者御跛者公羊作訝並其例也儀禮上昏禮媵御沃盥交鄭注亦云御當爲訝

大夫則綏之注綏讀曰妥

按儀禮士相見禮妥而後傳言鄭注曰古文妥爲綏漢書燕刺王旦傳北州以妥孟康曰古綏字也據鄭注則綏古而妥今據孟康說則綏今而妥古要之二字古通用也

何居我未之前聞也注居讀爲姬姓之姬齊魯之間語助也檀弓

按郊特牲篇二曰伐鼓何居注亦曰居讀爲姬謂之

助也鄭君去古未遠故猶得言其聲此等有聲無義
不煩疏證

其慎也注慎當爲引禮家讀然聲之誤也

按慎引聲固相近然大司徒之六引既夕篇之屬引
雜記篇之執引未見有作慎者此本鄭之曲說辨見
羣經平議

繆繆也注繆讀如稍

按繆者旌旗之游也非所施於此故鄭讀爲稍繆稍
一聲之轉繆之爲稍猶繆之爲燥詩白華篇念子燥
燥釋文曰燥燥本作慘慘是其例

子蓋言子之志於公乎注蓋皆當爲盍

按蓋本從盍聲故得通用荀子宥坐篇九蓋皆繼楊
倬注曰蓋音盍扇戶也是亦讀盍爲盍

自敗於臺飴始也注臺當爲壺字之誤

按此類形近而誤不煩申說後倣此

今也衡縫注衡讀爲橫

按詩衡門篇釋文曰衡古文橫字

主人既祖填池注填池當爲奠徹聲之誤也

按填之與奠聲固相近池之與徹則遠矣鄭君此注
似有疑義釋文云盧王並如字未知其說如何今姑

依鄭讀推池徹聲誤之由蓋池字古音與地相近段氏玉裁謂地在戈麻韻讀如沱在支佳韻讀如狄池字或亦從歌麻轉入支佳故得與徹音相亂也
人師扶右注卜當爲僕聲之誤也

按說文上部撲從土業聲或作𠂔從卜聲此卽卜僕聲近之證

喪事欲其縱縱爾注縱讀如摠領之摠

按本篇爾母從從爾釋文曰從從音摠然則從從亦卽總總古讀然也

瓦不成味注味當作沫沫醎也

按周禮酈師先鄭讀如味食飲之味酈得讀味故味亦得讀沫古音同耳

縣棺而封注封當爲窆窆下棺也春秋傳作塋

按說文穴部窆葬下棺也土部塋喪葬下土也然則窆乃正字塋乃塋之異文封則段字也周易繫辭傳不封不樹集解引虞翻曰封古窆字似失之封窆塋皆一聲之轉廣韵二腫等音方勇切此封得通窆之例十六蒸馮與溯同音扶冰切而馮又音防戎切此封得通塋之例

齊穀王姬之喪注穀當爲告聲之誤也

按玉篇告有公号公篤二音公篤之音與穀相近故得與穀通然此說實非是說詳羣經平議

子顯以致命於穆公注使者公子繫也盧氏云古者名字相配顯當作鞮

按鞮說文作鞮此作顯亦愚所謂文省者也

曰我喪也斯沾注沾讀曰覘覘視也

按方言凡相候謂之占占猶瞻也是占亦通作覘也學記篇呻其佔畢注曰佔視也是佔亦通作覘也古字以聲爲主類如此

咏斯猶注猶當爲搖猶搖聲相近

按廣韵猶字在十八尤以周切搖字在三蕭餘昭切而繇遯繇等字既隸蕭韵餘昭切又隸尤韵以周切足爲猶搖聲近之證

則豈不得以注以己字以與己字本同

按易損初九已事遄往釋文已本作以禮記內則篇由命士以上釋文以本作已此二字通用者不可勝舉然於此文鄭實失其讀說詳羣經平議

與其鄰重汪踣往注重皆當爲童

按漢人書童字或作僮張公神碑驂白鹿兮從仙僮隸釋曰以僮爲童是也此又省人旁遂作重矣又按

水經淇水篇注云千童縣史記建元以來王子侯者
年表云故重也是童與重古亦相通

曹桓公卒于會注曹伯廬謚宣言桓聲之誤也

按聲同者例得通用詩長發篇毛傳曰桓大也易林
需之萃曰大口宣舌大有之蠱曰大口宣脣宣與大
並言宣亦大也是其義亦通矣

是全要領以從先大夫於九京也注京蓋字之誤當爲
原

按國語晉語亦作九京韋注亦云京當爲原用鄭義
也漢人書京字或作泉見戚伯著碑隸釋云泉卽京

故原與京形近易混後漢書銚期傳更始將卓京注
云京或爲原

衣衰而繆經注衣當爲齊壞字也繆當爲木樛垂之樛
按所謂壞字者謂齊字曼漣視之彷彿似衣字非謂
字本作齋缺其上半而成衣也經典相承齊衰字無
作齋者岳本於此文作齋乃由誤會鄭注不足據也
至繆之與樛同聲之字例得通用仲尼燕居篇不能
詩於禮繆繆又讀爲謬荀子哀公問篇繆繆肫繆
又讀爲膠並其例也木字依正義當作不

名山大澤不以盼注盼讀爲班

王制

按班分字本當作班而經傳每段頌爲之說文頁部
頌大頭也盼字說文所無廣韵二十七刪有盼字與
班頌並布還切云大首則盼卽頌之異文以盼爲班
猶以頌爲班矣儀禮聘禮記盼肉及廋車亦以盼爲
班

制三公一命卷注卷俗讀也通則曰袞

按周官司服享先王則袞冕鄭仲師注袞卷龍衣也
爾風袞衣繡裳毛傳曰袞衣卷龍衣也蓋古音袞與
卷相近謂之袞者正以其有卷龍之形也釋名釋首
飾曰卷也畫卷龍于衣也故其字卽通作卷亦或

變作褕荀子富國篇天子祿庵衣冕楊倞注褕字與袞同

天子殺則下大綏注綏當爲綏

按詩車攻傳天子發抗大綏周禮夏采以乘車建綏復于四郊禮記禘記篇以其綏復釋文並曰綏本作綏明堂位夏后氏之綏鄭注亦曰綏當爲綏周官夏采注卽引作夏后氏之綏

西方曰棘注棘當爲棘棘之言偁使之偁寄於夷戎

按說文棘健爲蠻夷漢書地理志健爲郡有棘道縣應劭曰故棘侯國也皆不言棘爲何義水經江水篇

注云𦵑夷中最仁有仁道故字從人此則說其義矣
而非逼迫之謂若依棘之本字讀之詩采薇篇嚴允
孔棘出車篇維其棘矣雨無正篇孔棘且殆江漢篇
匪究匪棘鄭箋並曰棘急也急則有逼迫之義鄭何
必改讀爲𦵑始訓爲偏乎據正義曰𦵑之言偏者按
漢書云西南有𦵑夷知非彼夷而讀爲偏者以與寄
文相對寄非東方夷名則棘亦非西方夷名故以爲
偏迫於夷狄也正義但說𦵑之言偏而於棘當爲𦵑
不置一詞疑孔所據本與今不同經文正作西方曰
𦵑注文無棘當爲𦵑四字蓋以經文是𦵑鄭君恐人

卽以夔夷說之故說其義如此也釋文出曰棘字云
依注音夔此同今本云又作夔則孔所據之鄭注本
也

五三又注又當作宥

按易繫辭傳又以尚賢也釋文曰又鄭本作有又通
作有故亦通作宥

宥離不貨注離讀如儷偶之儷

月令

按燕策高漸離論衡作麗左傳驪姬穀梁作麗竹書
紀年作離齊世家非龍非麗索隱云亦作螭爾雅注
黃離留陸機疏作黃鵬留並其例也

天子乃鮮羔鬯冰注鮮當爲獻聲之誤也

按爾雅釋山小山別大山鮮詩皇矣篇度其鮮原毛傳曰小山別大山曰鮮卽用雅訓公劉篇陟則在嶽傳曰嶽小山別於大山也是毛公之意以鮮嶽同字此卽鮮與獻通之證呂氏春秋仲春紀正作獻羔其器圖以鬯注鬯讀如紘紘謂中寬象土含物

按鬯者巷門也於義無取故鄭改讀爲紘正義以昆而朱紘釋之是紘者冠卷也旣取中寬之義則何取於冠哉紘者網綱也字亦作紘吳都賦狼跋乎紘中劉注紘網綱也蓋網之四維以繩爲綱其中謂之

終中故有中寬之義文選答賓戲篇廓帝紘恢皇綱
淮南子原道篇紘宇宙而章三光其義並同又淮南
堅形篇八綱之外而有八紘亦取此義也若以冠卷
言則小矣

凡告用牲辨注牲當爲制字之誤也制幣一丈八尺
制目

按鄭據下文天子諸侯將出必以幣帛皮圭告于祖
廟不言有牲故改讀爲制周禮內宰職注曰純制天
子巡守禮所云制幣丈八尺純四狶與鄭言制幣之
數據此

反葬奠而後辭於殯注殯當爲賓聲之誤也

按襍記篇載柩將殯釋文曰殯本作賓亦聲近易混之證

不旅不假注假讀爲嘏

按禮運篇祝嘏辭說釋文嘏本作假詩那篇湯孫奏假爾雅釋詁注引作湯孫奏嘏

殤不耐祭注耐當爲備聲之誤也

按說文艮部引春秋傳附婁無松柏今左傳作培塿耐之爲備猶附之爲培

日有食之不知其已之遲數注數讀爲速

按爾雅釋詁數疾也釋文音色角反卽讀爲速論語
里仁篇事君數集解曰數謂速數之數釋文亦音色
角反

始立學者旣興器用幣注興當爲釁字之誤也

文王世子

按釁字上半與興相似故字誤作興釁在諄文部興
在蒸登部非同部字鄭云字誤明非聲誤也

況于其身以善其君乎注于讀爲迂

按論語子路篇子之迂也釋文曰迂本作于檀弓下
篇易則易于則于正義曰于音近迂是廣大之義然
則彼于字亦當讀爲迂鄭偶未及耳

至于贈賻承含注承讀爲贈聲之誤也

按承贈聲近例得通用惟此經有可疑者釋文旣爲贈賻承含四字作音又云車馬曰賻布帛曰賻珠玉曰含衣服曰襚忽謂之贈正義亦云贈賻含襚皆贈喪之物賻車馬賻財帛含珠玉襚衣服摠謂之贈經文本無襚字不知何故陸孔皆云爾也

其刑罪則纖剝注纖讀爲鍼鍼刺也

按各本作纖讀爲殲今從惠氏盧氏校正鍼從咸聲纖從鐵聲鐵從戔聲據說文戔古文讀若咸故纖得讀爲鍼也

亦告於甸人注告讀爲鞠讀書用法曰鞠

按詩采芑篇陳師鞠旅毛傳曰鞠告也是鞠與告聲近義通據說文鞠獄之鞠應作鞠然鞠字或作鞠亦從鞠則固相通也

兌命曰注兌當爲說

按尚書說命釋文曰說本又作兌音悅

賁桴而土鼓注賁讀爲山聲之誤也

禮運

按漢書何武王嘉師丹傳贊云以一簣障江河蔡邕釋誨云九河盈溢非一山所能防一山卽一賁是賁出古通用也

榮醴在室注榮讀爲齊聲之誤也

按說文榮正篆作資皆從次聲或體又作饒則從齊聲故得與齊通次聲齊聲之字往往通用說文艸部薺荻藜也詩曰牆有薺今詩作茨易旅九四得其資斧釋文云資子夏及衆家本皆作齊並其例也故百姓則君以自治也注則當爲明

按形近而誤不煩申說近讀上三明字爲則然改三字以就一字不如改一字以就三字也

大夫死宗廟謂之變注變當爲辯聲之誤也辯猶正也按周易文言傳由辯之不早辯也釋文曰辯荀作變

此變辯通川之證

其居人也曰養注養當爲義字之誤也

按形近之誤不煩申說

大圭不琢注琢當爲篆字之誤也

禮器

按琢乃琢字之誤周禮典瑞琢圭璋璧琮司農注曰
琢有圻鄂琢起漢書董仲舒傳良玉不琢注曰琢謂
彫刻爲文也琢與琢形近所以致誤列子黃帝篇雕
琢復朴釋文曰琢本作琢卽其例也鄭讀爲篆則非
其本字矣

燭柴於輿注輿當爲輿字之誤也

按此鄭以意讀之無他證特性饋食禮記注引此文
卽作饗

詔侑武方注武當爲無聲之誤也

按莊十年左傳經文以蔡侯獻舞歸穀梁作獻武武
通作無猶舞通作武也玉篇女部嫵亡甫切說文云
嫵媚也斌同上嫵作斌亦無與武通之證

必先有事於惡池注惡當爲呼聲之誤也

按孟子公孫丑篇惡是何言也音義惡音烏愚謂惡
卽烏呼也緩言之曰烏呼急言之曰惡故惡卽通作
呼也

其出也肆夏而送之注肆夏當爲陔夏

按肆在脂部陔在之部非同部通假字鄭君直以義當作陔故改讀之

饗禘有樂而食嘗無樂注此禘當爲禴字之誤也王制

曰春禴夏禘

郊特牲

按此亦鄭以義應作禴故改之

所以交於旦明之義也注旦當爲神篆字之誤也

按神與旦不相似未詳鄭意疑古神字或段申爲之故誤爲旦耳王氏引之經義述聞引汗簡古文爲證恐不足據

繡黼丹朱中衣注繡讀爲綃

按詩揚之水篇素衣朱繡此注引作綃儀禮士昏禮
姆纁笄宵衣注宵讀爲詩素衣朱綃之綃魯詩以綃
爲綺屬是作繡者毛詩作綃者魯詩也特牲饋食禮
注又引作素衣朱宵宵亦綃之段字繡之通作綃猶
簫之通作箭矣

而鹽諸利注鹽讀爲豔

按鹽字本有豔音內則篇肩髀與桂以灑諸上而鹽
之釋文曰而鹽音豔廣韵五十五豔有鹽字與豔同
音以贍切

然後燔蕭合羶薌注羶當爲馨聲之誤也

按羶之通作馨猶磬之通作覲詩大明篇覲天之妹韓詩作磬天之妹是其例也

汁獻況于醖酒注獻讀當爲莎齊語聲之誤也

按明堂位周獻豆注云獻疏刻之正義曰獻音娑獻有娑音故得讀爲莎儀禮大射儀兩壺獻酒注云獻讀爲沙周禮司尊彝鬱齊獻酌注云獻讀摩莎之莎齊語

猶明清與醖酒于舊澤之酒也注澤讀爲醪

按澤醪同聲說文無醪字古蓋止作澤鄭讀以今字

耳周禮司尊彝注亦云澤讀曰醅

有由辟焉注辟讀爲弭

按弭之或體作𢇛從兒聲辟與弭爲雙聲猶辟與倪爲雙聲漢書灌夫傳曰辟倪兩宮閒

敦牟厄匝注牟讀曰莖也

內則

按荀子成相篇舉牟光注曰牟與務同蓋牟聲攷聲相近據說文蝥或作蟬是其例也牟與務通故得與莖通釋文曰莖字又作蝥則卽蟬字以牟作莖猶以蟬作蝥矣

不嘯不指注嘯讀爲叱叱嫌有隱使也

按嘯與叱音既絕遠叱亦無隱使之義未詳鄭意思
謂嘯當讀如公嗾夫嗾焉之嗾則音近而隱使之意
亦合矣說詳羣經平議

羞糗餌粉酏注此酏當爲飴

按此自謂文誤非謂相通也然愚謂此酏字或即可
當周禮之羞糗餌粉酏卽周禮所謂羞簋之糗餌
粉飡也飡謂之酏猶髮謂之鬚

濡魚卵醬實蓼注卵讀爲鮠鮠魚子

按爾雅釋魚鮠魚子故鄭讀從之然說文無鮠字據
詩敝笱箋鰈魚子也字又作鰈然說文曰鰈魚也不

訓魚一 假字也卯字在卯部其說解云凡物無乳者卵生凡物之言所包者廣魚亦無乳則其子亦卵也因卵字爲雞卵之義所專故別製鰕字以別魚子鄭君此讀亦從世俗取易曉耳

麋鹿田豕麇皆有軒注軒讀爲憲憲謂藿葉切也

按此讀從其聲非從其義也鄭意此軒字當讀如憲憲令德之憲故曰軒讀爲憲憲此先正其音下乃說其義曰謂藿葉切也此當時方言鄭去古近故能言之今不得其義矣

豕望視而交睫腥注腥當爲星聲之誤也星肉中如米

者

按經典言腥者並爲生肉亦或有腥臊之義國語周語其政腥臊是也鄭以此經腥字非生肉亦非腥臊故改讀爲星謂豕肉中有如米粒者始亦當時方言也至說文肉部云腥星見食豕令肉中生小息肉也則又與此不同此謂豕肉中彼謂人肉中不得混而一之

馬黑脊而般臂漏注漏當爲螻如螻蛄臭也

按周禮內饗正作馬黑脊而般臂螻故鄭讀從之列子周穆王篇王之厨饌腥螻而不可饗注曰螻螻蛄

臭也蓋亦古語

三王有乞言注有讀爲又

按易繫辭傳又以尚賢也釋文曰又鄭本作有

瘡母注母讀曰模

按尚書大禹謨帝曰母正義曰古人言母猶今人言
莫母莫同聲故母得讀爲模

炮取豚若將注將當爲牂

按將與牂並從升聲故得通用又說文手部牂扶也
經傳多以將爲之詩樛木篇那篇烈祖篇鄭箋並云
將猶扶助也或此字本作牂誤爲牂因爲將矣

塗之以謹塗注謹當爲堦聲之誤也堦塗塗有穰草也
按說文堇部堇黏土也則謹塗之謹本當作堇加言
旁作謹亦愚所謂文增者也鄭讀爲堦以時俗通用
堦字取其易曉耳依說文則堦在土部其說解曰涂
也義同於塗之之塗而非卽堇塗之堇

爲稻粉糲洩之以爲醢注糲讀與滌澆之滌同

按莊子徐无鬼篇委蛇攬探釋文本又作搔司馬本
作條搔與條通卽糲與滌通之例糲搔並從蚤聲滌
從脩聲脩條並從攸聲

以與稻米爲醢注此周禮醢食也此醢當從飴

按段氏玉裁說謂經字本作𩇛注所謂醢當從𩇛者謂周禮之醢當從內則作𩇛也以賈疏所引稌問志內則有𩇛無醢證之段說良是然陸氏釋文孔氏正義所據禮記則固如今本也醢𩇛文異非關通假已見前矣

接以太牢注接讀爲捷

按接從妾聲捷從堯聲兩音相近說文筴或作𦵏卽其例矣爾雅釋詁篇郭注曰捷謂相接續也是接與捷聲近義通

宰醢負子注醢當爲禮聲之誤也

按醴禮二字禮經多相亂儀禮士冠禮禮於昨聘禮
明日賓拜禮於朝聘禮記禮不拜至注並云今文禮
爲醴士昏禮賓入授如初禮注云古文禮爲醴是二
字音近相亂之證士冠禮若不醴則醕用酒士昏禮
出請醴賓注並云醴當作禮

旬而見注旬當爲均聲之誤也易說卦坤爲均今亦或
作旬也

按此則鄭已自爲證明矣正義又引周禮公旬用三
日之女愚按說文鈞從勻聲古文作𠂔則從旬聲又
說文衤從勻聲六書故引說文作衤則從旬聲並均

旬聲近之證

元端而朝日於東門之外注端當爲冕字之誤也

玉藻

按此鄭自以義讀之非相通也

弗身踐也注踐當爲翦聲之誤也

按書序遂踐奄鄭注亦曰踐讀曰翦

君羔裘虎犢注讀皆如直道而行之直直謂緣也

按禮器篇注直或爲犢與此可互證惟觀鄭此注知

鄭解論語直道而行爲緣道而行猶云遵王之道也

與馬注無所阿私之義不同亦可補論語鄭注之遺

諸侯茶注茶讀爲舒遲之舒

按考工記弓人寬緩以茶注曰茶古文舒假借字鄭
司農云茶讀爲舒又荀子大略篇諸侯御茶楊注亦
云茶古舒字

縞冠素紕注紕讀如埤益之埤

按比聲與卑聲相近詩節南山篇天子是毗釋文曰
王本作埤卽其例也荀子宥坐篇又引作天子是庫
楊注曰庫讀爲毗隋書律歷志又引作天子是裨並
可爲紕讀如埤之證

大帛不綬注帛當爲白聲之誤也

按白與帛古字通閔二年左傳大帛之冠襍記注引

作大白詩六月篇白旆央央孫炎爾雅注引作帛旆
英英子思之子名白漢書孔光傳作帛並其證也
振稀綌不入公門注振讀爲衫

按說文衫從彡聲或作振則從辰聲故得以振爲之
唯君有黼裘以誓省注省當爲獮獮秋田也

按省在庚青部獮從爾聲在脂微部非同部字然玉
篇省思井切獮思淺切省與思雙聲獮與思亦雙聲
故獮得轉而爲省此等處亦古音之轉入今音者也
而素帶終辟注辟讀如裊冕之裊

按辟聲與卑聲相近管子封禪篇卑耳齊語謂之辟

耳哀二年左傳不設屬辟正義引喪大記君大棺八寸屬六寸裨四寸禮家謂之裨左傳作辟此卽辟讀如裨之例釋名釋形體曰臂裨也在旁曰裨也臂訓裨亦以辟聲與卑聲近也

一命緼鞮幽衡注幽讀爲黝黑謂之黝

按說文黝微青黑色則訓黑之字自當作黝詩隰桑篇其葉有幽毛傳曰幽黑色也蓋亦讀爲黝毛不破字耳乃周禮牧人守祧兩職鄭司農並云黝讀爲幽幽黑也適與此注相反段氏謂彼注幽黝互易信然王后稷衣夫人揄狄注禕讀如翬揄讀如搖

按爾雅伊洛而南素質五采皆備成章曰翬江淮而南青質五采皆備成章曰鷩故鄭讀從之說文佳部說十四種雉有搖無鷩鄭讀掄爲搖與許同也禕從韋聲翬從軍聲淮南覽冥篇高注曰運讀如連圍之圍此卽禕讀如翬之例掄從俞聲搖從彳聲漢書英布傳趙充國傳師古注並曰掄讀曰遙此卽掄讀如搖之例

再命禕衣注禕當爲鞠字之誤也

按此字誤而非相通

趨以采齊注齊當爲楚薺之薺

按周禮樂師趨以采齊釋文曰齊本作薺

大夫佩水蒼玉而純組紱注純當爲緇古文緇字或作
絲旁才

按此則鄭已自說之而正義言鄭讀純爲緇之例又
甚明了可不更說惟說文無紉字而黑部有黜字訓
黃濁黑廣雅釋器曰黜黑也愚疑凡經籍中純字以
絲言者乃其本字以色言者乃黜之段借字

肆束及帶注肆讀爲肆

按肆肆古通用周禮小宗伯肆儀爲位注曰故書肆
爲肆杜子春讀肆當爲肆儀禮聘禮記爲肆注曰古

文肆爲肆其他肆肆異文見於釋文者不可勝舉

立容辨卑注辨讀爲貶

按周官士師若邦凶荒則以荒辯之濫治之鄭注謂辯當爲貶聲之誤也此讀辨爲貶與彼注一律

盛氣顛實揚休注顛讀爲闐揚讀爲陽聲之誤也使之闐滿其息若陽氣之休物也

按釋文云顛依注讀爲闐音田然上文色容顛顛釋文曰顛音田又丁年反則顛字自有田音故得與闐通也廣韻一先闐徒年切顛都年切然顛字亦徒年切而又音都年切此卽顛闐假借之例也至揚之與

陽古多通用昭二十五年公羊春秋次于揚州左穀
並作陽州詩野有蔓草篇清揚婉兮說苑尊賢篇引
作清陽晉大夫解揚漢書古今人表作解陽並其證
公子曰臣孽注孽當爲枿聲之誤

按段氏玉裁謂經文本作枿注文本作枿當爲孽後
人以注改經又以經改注此說是也然說文弓部𣎵
篆下引商書若顛木之有𣎵枿木部𣎵篆下又引商
書若顛木之有由𣎵是枿𣎵同字庶于旁出之義本
爲枿之引申因𣎵或作𣎵故又變作孽以其借木以
喻人故變從木爲從子也襄二十七年公羊傳臣僕

庶孽何休解詁曰庶孽衆賤子猶樹之有孽生以孽解孽何劭公猶能得其本義此經作臣忼正其本字也乃鄭君以爲聲誤古字古義自此失矣

頌度量注頌讀爲班

明堂位

按說文珣部班分瑞玉經傳凡頌分字皆作班故鄭讀從之其實頌者攷之段字說文支部攷分也頌攷並從分聲古書皆段頌爲攷而攷廢矣

崇坵康圭注康讀爲亢龍之亢

按康亢聲近說文心部忼慨後漢書楊震傳作慷慨卽其例也

夏后氏以難夷注夷讀爲𤑔

按爾雅釋詁𤑔常也詩皇矣篇瞻卬篇並曰夷常也是夷與𤑔聲近義通書洪範篇是𤑔是訓史記朱微子世家作是夷是訓詩烝民篇民之秉𤑔孟子告子篇作民之秉夷

而父稅喪注稅讀無禮則稅之稅

喪服小記

按釋文出說喪云皇他活反徐他外反注及下同是陸氏所見經文注文皆作說喪鄭以此說字非言說之說故讀從稅然僖三十三年左傳作無禮則脫釋文云脫他活反鄭引作稅或所見異也

報葬者報虞注報讀爲赴疾之赴

按赴從卜聲白虎通蒼蠅篇曰卜赴也詩大田篇釋文引韓詩曰卜報也此卽赴報聲近之證

齊齊皇皇注齊齊皇皇讀如歸往之往

少儀

按鄭意以上文言語之美已云穆穆皇皇故此句皇皇改讀爲往詩楚茨篇先祖是皇箋云皇晬也信南山篇先祖是皇箋云皇之言往也泮水篇烝烝皇皇箋云皇皇當作晬晬晬猶往往也並與此注同義
匹匹翼翼注匹讀如四牡駢駢

按形況之言本無定字以馬言謂之駢駢四牡駢駢

是也以人言謂之斐斐說文女部斐往來斐斐是也
以草木言謂之菲菲文選吳都賦璫兮菲菲是也以
衣言謂之徘徊子虛賦紛紛徘徊是也以氣言謂之
斐斐謝惠連樓中玩月詩斐斐氣冪岫是也此又作
匪匪同聲假借猶有斐君子之爲有匪也

祭廌注廌讀如尋

按儀禮士冠禮注云尋名出于幬幬覆也言所以自
覆飾也尋之名旣出于幬故廌亦得讀如尋儀禮有
司徹篇注亦曰廌讀如殷尋之尋與此注同皆讀從
其聲非讀從其義

祭左右軌范乃飲注周禮大御祭兩軹祭軌乃飲軌與軹於車同謂轉頭也軌與范聲同謂軾前也

按此注糾繚難明說者多不了其實孔疏所說本極明白但有誤字故迷其義耳注引周禮文當作祭兩軹祭軹惠氏校宋本軌作軹正得其字而阮校本反以爲非何也注云軌與范聲同當作軹與范聲同衛氏集說本得之戴東原考定亦如此鄭意此言祭左右軌范周禮言祭兩軹祭軹故以此之左右軌當周禮之兩軹以此之范當周禮之軹軹從只聲古音在支佳部軌從九聲古音在尤幽部此兩部古不相通

故不以爲聲同但云同謂轉頭也范從汜聲軌從儿
聲於古音並屬侵鹽部故以爲聲同見其爲同部假
借之常例也此可見鄭義之精矣說文車部軌車軾
前也則軌是正字范是段字軾車輪小穿也軌車徹
也皆非轉頭之義又曰車軾也轉車或從彗則
轉卽車字周禮作軾軾在支佳部轉在脂微部雖非
同部而尚相近蓋聲近之誤此經作軌者高誘注呂
氏春秋曰兩輪之間曰軌祭左右兩轄卽近乎兩輪
之間故得通其名鄭曰軌與軾於車同謂轉頭得其
旨矣

術有序注術當爲遂聲之誤也

學記

按月令審端徑術注曰術周禮作遂此亦讀從周禮也術遂古字通文十二年左傳秦伯使術來聘公羊傳術作遂漢書五行志秦伯使遂來聘師古曰卽左氏所謂西乞術漢書賈山傳術追厥功注曰術亦作遂管子度地篇里十爲術術十爲州亦以術爲遂發然後禁則扞格而不勝注格讀如凍洛之洛

按玉篇之部洛卜各切洛澤冰兒鄭所云凍洛之洛卽此字篇海引字林松凍洛也蓋亦古語釋文出凍洛云此二字並從之或水旁作非是陸氏所據本正

作洛段氏玉裁以說文有洛無洛欲改爲洛轉失之
拘矣

待其從容注從讀如富父春戈之春

按文十一年左傳作搆釋文云搆舒容反方言春黍
謂之蜚蜮此卽從與春通之例

地氣上齊注齊讀爲躋

樂記

按孔子閒居篇至于湯齊注曰詩讀湯齊爲湯躋詩
長發篇聖敬日躋孔子閒居篇注作聖敬日齊公羊
文二年齊僖公釋文曰齊本作躋儀禮士虞禮記躋
附爾于爾皇祖某甫注曰今文躋爲齊躋卽躋字

舊禾廣賁之音作注賁讀爲憤

按荀子彊國篇下比周賁漬以離上矣注曰賁讀爲憤憤然也

天地訢合注訢讀爲熹

按成十三年左傳曹公子欣時十六年公羊傳作喜時卽訢與熹通之例說文熹從艮聲籀文作𡗗則從喜聲艱從艮聲得從喜故訢從斤聲得讀熹矣

克順克俾注俾當爲比聲之誤也

按俾從卑聲卑比雙聲定十年左傳之秕稗爾雅釋魚之𧈧𧈧並雙聲字也故俾得通作比互見玉藻紕

讀如埤

衛音趨數煩志注趨數讀爲促速聲之誤也

按荀子王制篇趨孝弟哀公篇趨駕召顏回楊注並
曰趨讀爲促論語里仁篇事君數集解曰數謂速數
之數釋文音色角反卽讀數爲速

石磬磬注磬當爲磬字之誤也

按釋名釋樂器曰磬磬也其聲磬磬然堅緻也是磬
磬義通說文缶部磬器中空也淮南覽冥篇磬匱無
腹注曰磬空也卽磬與磬通之證

武坐致右憲左注憲讀爲軒聲之誤也

按與內則軒讀爲憲憲可互證惟彼則讀從其音此則讀從其義矣

天子夾振之而駟伐注駟當爲四聲之誤也

按詩大明篇駟騶彭彭隱元年公羊疏引作四騶駟鐵篇駟職孔阜說文馬部引作四職四牡篇四牡駟駢儀禮既夕篇疏引作駟牡定十年左傳公子地有白馬四漢書五行志引作公干地有白馬駟

武王克殷反商注反當爲及字之誤也

按易繫辭傳原始反終釋文曰反鄭虞作及論語雍也篇注而及如朱朝之美釋文曰及本作反

車甲𦵏而藏之府庫注𦵏𦵏字也

按𦵏從半聲𦵏從分聲𦵏之爲𦵏猶分之爲半春秋繁露云春秋分者陰陽相半也說文引論語文質份份孔注曰文質相半之貌詩泮宮禮作頓宮說文無𦵏字鄭注曰𦵏之言班也周禮太宰職匪𦵏之式司農注曰𦵏讀班布之班謂班賜也𦵏言班而𦵏亦讀班疑𦵏卽𦵏字𦵏從分聲或作𦵏𦵏從分聲或作𦵏正一例矣

名之曰建𦵏注建讀爲鍵字之誤也

按說文鍵距門也是關鍵字實當作鍵古字與建通

楚太子建屈建並字子木建卽槌也月令脩鍵閉以
鍵爲之故鄭亦讀從鍵耳今人於門戶多用銅鐵爲
鎖亦或以木爲之用銅鐵者宜謂之鍵用木者宜謂
之槌

則易直子諱之心油然而生矣注子讀如不子之子

按尚書予不子釋文云鄭將吏反則不子之子鄭讀
爲字此經亦當從之釋文云子如字非鄭義又云徐
將吏反得之列子楊朱篇云子產不字過門不入此
鄭讀所本也

故禮有報而樂有反注報讀曰褒猶進也

按周禮大祝八曰褒拜鄭大夫云褒讀爲報

故人不耐無樂注耐古暫能字也後世變之此獨存焉
古以能爲三台字

按說文耐爲𠂔之或體云諸法度字皆從寸鄭意則
耐爲古能字非耐也疑鄭爲得之從寸與從又同叔
或作村是其證也又者右手人之作事必以右手寸
部得篆說解云又寸分理之耐字從寸亦取分理之
意

其輅有綈注輅載柩將殯之車飾也舊讀如禧旆之禧
儀記

按定四年左傳作縞莢字本從系因此爲車飾故變從車耳鄭所據左傳作縞施爾雅釋草茹蘆茅蒐孫炎注曰茅蒐一名縞可以染絳蓋以其色言則從艸作縞以其質言則從系作縞以其爲車飾而言則從車作縞古字通耳

載以輻車注輻讀爲輗許氏說文解字曰有輻曰輪無輻曰輗

按玉篇車部輗市專切有輻曰輪無輻曰輗輗同上是輗輗本一字鄭從說文故讀輗爲輗耳
適者曰某不祿注適讀爲匹敵之敵

按玉藻篇敵者不在釋文曰敵本作適燕義篇莫敢
適之義也釋文曰本亦作敵論語里仁篇無適也釋
文曰鄭本作敵荀子君子篇四海之內無客禮告無
適也楊注曰適讀爲敵敵適古字通

使某實注實當爲至此讀周秦之人聲之誤也

按此非必周秦聲誤至與實本同部字也實字在廣
韵五質而從至得聲之字收入質韵者有陴郅桎姪
銍桎姪陴陴陴望桎座銍桎陴陴陴遷蠶姪室陴等
二十三字此卽實至聲近之證

大夫附於士注附讀皆爲附

按周禮司市其附于刑者歸于士故書附爲耐杜子春云當爲附是附耐同聲古書相亂之證

總冠縹纓注縹當爲縹麻帶經之縹

按荀子正論篇又作愷嬰皆聲近假借之例

𧈧𧈧胥衡注衡當爲𧈧所以底𧈧𧈧之屬聲之誤也

按詩采芣篇有晔𧈧行玉菓篇作𧈧衡衡之通作𧈧猶衡之通作𧈧

猶是附於王父也注猶當爲由由用也

按猶由古通用孟子書每以由爲猶周易豫九四由豫釋文曰由馬本作猶

君之喪大胥是斂注胥樂官也不掌喪事胥當爲祝字之誤也

喪大記

按此亦聲之誤也祝聲轉而爲詛義亦相通後漢書賈逵傳注祝詛也詛與胥則聲近而易混矣

實于緣中注緣當爲角聲之誤也

按角有祿音廣韵一屋盧谷切有角字云角里先生漢時四皓名是也陳第毛詩古音考謂角本音錄故與緣字聲近而混

加僞荒注僞當爲帷

按僞從爲聲當在戈麻部而得讀爲帷者亦猶離字

在戈麻部而楚辭少司命悲莫悲兮生別離樂莫樂
兮新相知老子抱一能無離專氣致柔能嬰兒等句
皆轉入支佳韻也亦可觀古音之變矣

大夫葬用輶注輶皆當爲載以輶車之輶聲之誤也

按盾聲與屯聲相近投壺篇二算爲純釋文純音全
純從屯聲得音全故輶從盾聲可通作輶也

士葬用國車注輶字或作國是以文誤爲國

按輶輶一字襍記篇作輶車此云國車鄭以爲國字
之誤愚謂或圖字之誤假圖爲輶因誤爲國也

大夫士以成注成讀爲緘

按莊子天運篇其有機緘而不得已邪釋文曰緘司馬本作咸

相近於坎壇注相近當爲攘祈聲之誤也

祭法

按離騷聊逍遙以相羊文選上林賦作消搖乎襄羊此相通作攘之例近與祈並從斤聲例得通用詩祈父箋云祈圻畿同周禮大司馬職乃以九畿之籍施邦國之政注故書畿爲近詩以祈爲畿周禮故書以近爲畿此近通作祈之例

幽宗祭星也雩宗祭水旱也注宗皆當爲榮字之誤也按形似而誤非相通也

齊漆漆然注漆漆讀如朋友切切

祭義

按切從七聲漢隸多以泰爲七字大元經元離曰運
諸泰政方言曰吳有泰娥之臺泰卽七也故漆通作
切

殷人祭其陽注陽讀爲日雨曰暘之暘謂日中時也

按洪範篇時暘若漢書五行志作時陽若論衡寒溫
篇暘者陽也則其義本通

終始相巡注巡讀如訟漢之訟

按三年問篇則必反巡過其故鄉荀子禮論篇作則
必反鉛過故鄉注鉛與訟同

陰爲野土注陰讀爲依蔭之蔭

按釋名釋形體曰陰蔭也言所在蔭翳也是其義本通故古亦通用昭元年左傳趙孟視蔭釋文曰蔭本作陰詩有杕之杜箋以其特生陰寡也桑柔傳言陰均也釋文並曰本亦作蔭

見以蕭光 見閒以俠無注見及見閒皆當爲覲字之誤也

按見與覲乃聲近之誤見閒則一字誤分爲二此類古書多有之鄭說固可信然愚謂見以蕭光卽閒以蕭光聲之誤也見閒以俠無當亦作見以俠無經師

相傳以兩見字皆當讀爲間故於下見字旁注間字
傳寫誤入正文耳說詳羣經平議

故君子頃步而弗敢忘孝也注頃當爲跬聲之誤也
按說文火部炷從火圭聲讀若回炷可讀若回故跬
得通作頃也玉篇足部跬羌極切舉一足跖同上
而術省之注術當爲述聲之誤也

按術述古通用詩日月篇報我不述釋文云述本亦
作術儀禮士喪禮不述命注曰古文述皆作術漢書
賈山傳術追厥功注曰術亦作述漢人隸書往往以
術爲述張表碑方伯術職樊敏碑臣子褒術靈臺碑

陰州里稱術皆其證也

宮宰宿夫人注宿讀爲肅肅猶戒也

祭統

按儀禮特牲饋食禮少牢饋食禮鄭注並曰宿讀爲肅書顧命篇王三宿正義引鄭注曰宿肅也

百官進徹之注進當爲餽聲之誤也

按玉篇食部餽子徇切是部進子信切餽與子雙聲進與子亦雙聲故餽得轉而爲進

受書以歸而舍奠于其廟注舍當爲釋聲之誤也

按儀禮大射儀獲而未釋獲鄉飲酒禮主人釋服注並曰古文釋作舍周禮占夢乃舍萌于四方注曰古

書釋菜釋奠多作舍字

子志之心也注志讀爲識
哀公問

按禮運篇「未之逮也而有志焉」注曰「志謂識」古文周禮保章氏以志星辰日月之變動注亦曰「志古文識是志識實一字」此云「志讀爲識」讀從今字使學者易曉也

夙夜其命宥密注詩讀其爲基聲之誤也
孔子問居

按今詩作基命而釋文曰「其命音基本亦作基則陸氏所據本作其命作其者古本作基者以師讀改之至于湯齊注詩讀湯齊爲湯齊

按猶樂記地氣上齊讀爲躋也

其惟不言言乃譌杜譌當爲歎聲之誤也

坊記

按史記魯周公世家作言乃驩蓋古字並通耳裴駢集解引鄭注驩喜悅也則亦讀爲歡

唯卜之日稱二君注二當爲貳

按周易繫辭傳四貳以濟民行注貳當爲二

素隱行怪注素讀如攻城攻其所僦之僦僦猶鄉也

中庸

按荀子議兵篇蘇刃者死注蘇讀爲僦僦向也說文

無僦字作素作蘇皆聲近假借未知本字爲何也

可以與知焉注與讀爲贊者皆與之與

按廣韻八語與善也待也說文曰黨與也音余呂切九御與參與也音羊洳切此讀從參與之與也可知漢人於上去之辨已嚴矣

故栽者培之注栽讀如文王初載之載栽猶殖也

按此讀從其音非讀從其義也詩大明篇文王初載釋文載字無音則宜讀本字此從其讀則當讀如載之本字方合而陸氏於此乃云栽依注音災夫音災則栽之本音也據廣韻十六哈栽災並音祖才切此栽字果音災則直云栽如字足矣於鄭注大背何言依注音災乎

壹戎衣注衣讀如殷聲之誤也齊人言殷聲如衣虞夏商周氏者多矣今姓有衣者殷之胄與

按呂氏春秋慎大覽親鄣如夏高注曰鄣讀如衣今兗州人謂殷氏皆曰衣此可證成鄭義廣韵八微有鄣字云殷國名也與衣並音於希切鄣蓋卽殷之異文也

其如示諸掌乎注示讀如寘諸河干之寘寘置也

按周易坎上六寘于叢棘釋文云寘劉作示周禮朝士注示于叢棘釋文曰示本作寘詩鹿鳴篇示我周行箋云示當作寘正義曰示寘聲相近故誤爲示也

既廩稱事注既讀爲餽

按餽本作氣說文氣饋客芻米也從米氣聲或作粿
又或作餽然則作既者卽粿之省耳說文既小食也
從皂无聲引論語不使勝食既今論語作不使勝食
氣既與氣通卽與餽通矣儀禮聘禮記如其饗既之
數注曰古文既爲餽

肫肫其仁注肫肫讀如誨爾惇惇之惇

按詩本作誥誥釋文云字又作肫據玉篇則誥誥爲
兩字據集韻則誥誥肫三字通荀子哀公篇楊注亦
曰肫與誥同而此注又作惇惇楚辭惜誦篇云中閟

蓄之怵怵注云憂貌義稍別然形況之辭本無定字
怵怵詭詭怵怵一也

上天之載注載讀曰栽謂生物也

按毛傳訓載爲事筮無異說此云生物自是箋詩注
禮之不同不足爲疑惟上文栽者培之注云栽讀如
文王初載之載栽猶殖也以彼證此疑此文本作上
天之栽注則云栽讀曰載謂生物也生與殖同書仲
虺之誥不殖貨利襄三十年左傳子產殖之枚傳杜
注並曰殖生也鄭意栽者培之及此上天之栽並爲
生殖之義而栽之本義則爲築牆長版而非生殖之

謂故改讀爲載自鄭注行而栽培之義世人已耳熟之廣韵十六咍云栽種也不知有築牆長版之說矣相沿既久謂栽字自可訓生物乃據詩改禮徑作上天之載又改鄭注以就之而與前注兩歧矣卽前注亦有爲後人竄改者蓋旣云讀如文王初載之載則當云載猶殖也此鄭注之通例乃云栽猶殖也仍作本字何必改讀乎殆亦後人以栽有殖義而載轉無殖義故改載猶殖也爲栽猶殖也以從後世之見耳以德報怨則寬身之仁也注仁亦當言民聲之誤

表記

按古書民與人通人與仁通不可勝舉此以仁爲民

猶以人爲民耳

衣服以移之注移讀如禾汜移之移移猶廣大也

按禾汜移之語疏不詳其所出說文禾部移禾相倚移也倚移本疊韵字考工記旣建而池司農注讀爲倚移從風之移疑鄭此注本作禾池移蓋倚移疊韵池移亦疊韵可作倚池亦可作池移也汜蓋池字之誤

節以壹惠注壹讀爲一

按儀禮士相見禮鄉飲酒禮等篇注並云古文壹作一有司徹篇注云今文壹爲一此二字至今通用不

可勝舉

尹吉曰注吉當爲告告古文誥字之誤也

繡衣

按周禮大宗伯以吉禮事邦國之鬼神示注曰故書吉或爲告又尚書呂刑篇度作刑以誥四方漢書刑法志作度時作刑以誥四方此告與吉形近相混之證至告之與誥說文分爲二字鄭則一之愚有說詳見笥錄

臣儀行注儀當爲義聲之誤也

按周禮肆師注古者書儀但爲義今時所謂義爲誼則儀義乃古今字此讀從今字耳

惟尹躬天見于西邑夏注天當爲先字之誤

按玉篇天古文作𠂔故形近而誤

君雅曰注雅書序作牙假借字也

按書序君牙釋文曰或作君雅是尚書亦有作雅者
呂氏春秋本味篇伯牙注亦云或作雅


資冬祁寒注資當爲至齊魯之語聲之誤也祁之言是
也齊西徧之語也

按資至聲近祁從示聲與是亦聲近此皆聲之誤耳
鄭以爲齊魯語蓋鄭君親驗當時語言如此漢初傳
經大儒多出齊魯故齊魯之語得入經傳也

唯君子能好其正小人毒其正注正當爲匹字之誤也
按周易姤彖傳注正乃功成也釋文云正亦作匹據
王氏此注本解說天地相遇品物咸章則當以作匹
爲是正亦匹字之誤與此一例宣三年公羊傳自內
出者無匹不行自外至者無主不止莊子天運篇曰
中無主而不正外無正而不行又則陽篇曰自外入
者有主而不執由中出者有正而不距正亦當作匹
故君子寡言而行注寡當爲顧聲之誤也

按玉篇寡古瓦切顧古布切寡與古雙聲顧與古亦
雙聲故寡得轉爲顧

昔在上帝周田觀文王之德注古文周田觀文王之德
爲割申勸甯王之德今博士讀爲厥亂勸甯王之德
者皆異古文似近之割之言蓋也

按割字古或省作害書大誥篇天降割于我家馬本
作害是也害篆書作故與周相似而誤勸與觀左
旁相似列子楊朱篇故不爲名所勸釋文曰勸一本
作觀是亦相似而誤也田與申則聲相近棘鼓之爲
田鼓陳氏之爲田氏並其例也鄭讀從古文而又通
割爲蓋爾雅釋言蓋割裂也釋文曰蓋舍人作害割
之通作蓋猶蓋之通作害矣

親始死雞斯注雞斯當爲笄繩聲之誤也

問喪

按廣韵十二齊雞笄並古奚切列子黃帝篇不知斯齊國幾千萬里注斯離也斯之爲繩猶斯之爲離

唯公門有稅齊哀注稅猶免也古者說或作稅

服問

按訓稅爲免則當讀稅爲脫廣雅釋詁曰免脫也鄭云古者說或作稅則讀稅爲說矣言說之說無免脫之義疑當作古者脫或作稅

加隆焉爾也焉使倍之故再期也注下焉猶然

三年問

按檀弓篇穆公召縣子而問然注曰然之言焉也祭義篇國人稱願然大戴記曾子大孝篇然作焉但此

用然字與他處異然猶乃也說詳王氏引之經傳釋詞

竟信其志注信讀如屈伸之伸

按詩擊鼓篇不我信兮釋文信卽古伸字也荀子天論篇老子有見於詘無見於信楊注曰信讀爲伸古字通用

此之謂自謙注謙讀爲慊慊之言厭也

大學

按荀子榮辱篇彼臭之而無嫌於鼻注曰嫌當爲慊厭也此以謙爲慊猶彼以嫌爲慊

見君子而后厭然注厭讀爲厭厭閉藏貌也

按荀子王霸篇然而厭焉有千歲之固注厭讀爲厭
恂慄也注恂字或作峻讀如嚴峻之峻

按大戴記衛將軍文子篇爲下國恂蒙注云詩爲駿
龐恂可通作駿故亦可通作峻釋名釋樂器曰荀峻
也在上高峻也恂之讀峻猶荀之訓峻也

命也注命讀爲慢聲之誤也

按命在眞孫部慢在元寒部本不相通然楚辭抽思
篇軫石歲覓蹇吾願兮超回志度行隱進兮以進與
願爲韻此卽命讀爲慢之例也惟鄭此讀愚不之從
說見第一樓叢書八

爲后服資哀注資當爲齊聲之誤也

昏義

按周易旅九四得其資斧釋文云資子夏及衆家本皆作齊荀子哀公篇資且哀且杖者不聽樂注資與齊同

秋之爲言愁也愁之以時察注愁讀爲擎擎斂也

鄉飲酒義

按說文韋部韋收束也或作擎又手部擎束也詩曰百祿是擎是擎字說文兩見而義則同尹知章注管子四時篇范望注太元元數篇並曰秋擎也卽用鄭義廣雅釋詁曰秋愁也御覽時序部引書大傳曰秋

者愁也則仍以木字讀之周禮秋官正義引鄭目錄
曰秋者道也據說文擊卽百祿是道之道則擊與道
異而同矣

賁軍之將注賁讀爲僨僨猶覆敗也

射義

按大學篇一言賁事注賁本作僨

職諸侯卿大夫士之庶子之卒注卒讀皆爲倅

燕義

按周禮諸子掌國子之倅注曰故書倅爲卒鄭司農
云卒讀如物有副倅之倅鄭此注從先鄭也周禮車
僕掌戎車之萃字又作萃

字尹旁達注字讀爲浮尹讀如竹箭之筠

勝義

按釋名釋言語曰浮孚也孚甲在上者也是孚浮聲
近義通尹讀如筠者據禮器正義引顧命云敷重筍
席鄭云筍析竹青皮也禮記曰如竹箭之有筠鄭以
禮器之筍解顧命之筍是筠古作筍筍以尹爲之猶
筍字之俗作笋矣